

Gou Gyaetz Ndaem Va

贵港市覃塘区蒙公镇高占小学六年级 Leiz Gyahsih/雷佳诗

Gou ya, miz cungj gyaetz ndeu, de couh dwg ndaem va.


Song fwngz lingzgiuj gou ciengzseiz uq namh, byoemgyaeuj ndaemndat gou ciengzseiz deng raemxhanh cimq dumz, gawq vah ndeu ciengz youq henz bak: “Aeu doegsaw! Saedcej hix yaek gvaq ndei!”

Gou doiq saedcej gig miz yiedcingz, cungj gyaetz ndaem di va di nywj. Suenva gou—Gaiq diegf wz daxgoeng mbouj ndaem gomiuz ndeu. Seizneix cungqgyang ndaw suenva go mauxdan ndeu cingq ndiengqndet ngiengxgyaeuj doxhwnj; henz—bangx go’ndwenndwennding hix hag yiengh gomauxdan, hoeng de deng 30 lai duj va at ndaej hwet gungj lo, caeklaiq gou cengj diuz dwngx ndeu daeux de! Vacuhdanhungz hai va nga youh nga, vafunghyijlanz hoengzmaeq youq henz dak de, va’ gut ngeng naj caemsiengj, vamaedlaeh hai ndaej hausagsag, va’ gyangzveih baij yienghcej ·····Ndaw suenva gyaendei raixcaix, gij goengrengz gou cungj suenq mbouj begfeiq ha!

Vih aen suenva gou engq gyaendei, gou hwnj muengx bae caz swliu, gou cauxok cungj bwnh ndeu—bwnhnaengmak. Mwh gou gwn makbwz—

yanghgoj, comz naeng de; vunz ranz gwn gvehoengz seiz, gou sou naeng gvehoengz hwnjdaej faeg soiq bae. Daxboh raen gou yienghneix, gamjdaengz gig geizgvaq, daxmeh hix mbouj lijgaij. Gou doiq gyoengqde riu naeuz: “Hihi, gou dawz bae gueng gaeq hane!” Gangj sat ndonj haeuj suenva iq bae lo, dawz gijde oemq haeuj goek va bae. Vihliux rom bwnh, bingzseiz, lienz daxmeh baek yw lw gij nyaqyw haenx hix mbouj cuengq gvaq, cungj dawz bae oemq laj goek gova lo. Caemhcaiq, gou lij bae henz mbanj gvej goging go’ ngaih ma oemq dem! Ginggvaq geij ndwen seizgan saeqsim dajleix, gij va hai ndaej engq ronghsien gyaendei lo. Gou dajsuenq caux aen suenva mbouj yungh vafeiz, cienz dwg yungh bwnhranz daej dwk va ndeu. Gou engq gaenx bae rom bwnh lo, gijmaz rebfaex ha, mbaw loenq ha, byakduh ha·····gou cungj dawz de guh bauj.

Baez ndaej hoengq, gou couh ndonj haeuj suenva bae rwed raemx, dwk bwnh, gaeb non. Gova engq noengq lo, gogo mwncup cangqwt, seiq geiq longz heu daenj hoengz, yinx daej baenz bang baenz gyoengq duzrwi duzmbaj ciengqgo diuqfoux. Gou yawjsaw baeg le, couh daiq daegnuengx bae



suenva guhcaemz, simvuen raixcaix. Ngoenzsingh—giz, gou iu doengzdoh daej yawj va, gyoengqde gig hozhaenz, danqhaenh mbouj dingz naeuz: “Va! Gij va geijlai lengj ha! Caen ha, mwngz baenz dahsien va lo.” Gou dingq le, ndawsim diemzsis.

Va hai lumj man, hoengzhoengz loegloeg, gou angq ndaej song mbiengj gemjnaj hix hai ok song duj vamaeq daej lo.

(boux lauxsae son’gyauq Cinz Cinhdonz)

Lauxsae Gou

贵港市覃塘区蒙公镇高占小学六年级 Dwng Cozswnh/邓卓染

Cinz lauxsae aennaj luenzlulu, doiq da youh hung youh rongh, de gig gyaetz riu, yawj hwnjbae hozraez unqswnh, hoeng mizseiz hix gig yiemzlaeh.

Cinz lauxsae son dou gaenq 5 bi lo, youq ndaw yaenqsiengq gou, de couh—dwg cihsiz lai, gig gyaetz hong swheij.

Gou mbei iq, mbouj gamj yaengx—fwngz hoizdap vwndiz, lauxsae heuh gou hoizdap vwndiz gou couh ndang saenz ndaej gangj mbouj ok vah. Doeklaeng lauxsae fatyienh gou cungj cingzgvang neix le, couh ra gou damzsim, bang gou ra yienzaen, laeb saenqsim.

Gvaqlaeng, Cinz lauxsae hwnj—danz seiz, cungj gujli gou hoizdap vwndiz, mwh gou dap ndaej doiq seiz, de couh doiq gou riunyumj haenh gou; gou dap mbouj doiq seiz, de couh unqswnh naeuz: “Mbouj youqgaenj, loek le couh lingh daej, mwngz miz yawjap swheij, gangjmingz mwngz gaenq doengh uk lo.”

Dou gig gyaetz dingq Cinz lauxsae hwnjdanz, moix baez de hwnjdanz, cungj dawz govwnz gangj ndaej gig sengdoengh, mizsing mizsaek, de ciengzseiz dawz govwnz neiyungz caeq gwndaenj raeuz lienz hwnjdaej, lij gangj di coenzvah boux mizmingz, roxnaeuz doeg sei Dangcauz swz Sungcauz, de doiq dou naeuz: “Seiziq mbouj roengzrengz, lauxgeq hoengqndwi cix siengsim.” Gangjdaengz gikdoengh seiz, lij din dik fwngz vad, dou dingq ndaej cungj ngaetz lo.

Cinz lauxsae lij gvansim gwndaenj dou. Geiq ndaej miz baez ndeu, de baenzbingh lo, dungxin ndaej hojsouh, cuengqhag le, de lij youq hagdanz yawj



dou gwn ngaiz, gyoengq doengzhag gig yousim de, cungj heuh de baema yietnaiq. Hoeng, Cinz lauxsae gangj yawj dou gwn ngaiz ndei le, de cij cuengqsim ma ranz.

Cinz lauxsae caen dwg boux lauxsae ndei ndeu ha! De dungxaiz lai, gvansim hagseng, cingq aenvih miz lauxsae ndei yienghneix son, cingzeik yijvwnz ban dou cij cinbu ndaej yienghneix vaiq, ban dou geizgeiz cungj ndaej youhsiu.

Cinz lauxsae, dou ciengxlwenx gyaetz mwngz, ciengxlwenx mbouj lumz mwngz!

(boux lauxsae son’gyauq Cinz Hungzmeiz)

Duzgaeq Dan Goq Bonjfaenh

Ngoenz gyanghaet mbwn’gvengq ndit rongh ndeu, lwggaeq yawj daengngoengz gwnz gyaedj ronghsagsag, gikgyatgyat naeuz: “Ngoenzneix daengngoengz gig ndei, gou yaek ndeindei dak ndit.”

Lwggaeq ninz youq gwnz diegnywj, cingq dak ndit raeujrubrub. Sawqmwh dingqnyi sing lwgmou naeuz: “Lwggaeq, gaeq dak ndit lo, vaiq daej bang gou caep ranz ba.”

Lwggaeq naeuz: “Mbouj guh mbouj guh, caep ranz youh baeg youh uq, gou lij dak ndit ne.”

“Mwngz lwg gik neix!” Lwgmou damzbwdbwd byaij bae lo.

“Lwggaeq, vaiq daej bang gou muz mienh ba.” Youq giz mbouj gyaedj lwgbit heuh de.

Lwggaeq naeuz: “Mbouj guh mbouj guh, muz mienh gyanq lai, gou cingq dak ndit ne.”

“Mwngz lwg cabheiq neix!” Lwgmou itmienh nyoengx aenmuz itmienh naeuz.

Gyanghaemh, sawqmwh doek fwnhung lo, lwggaeq dawz doengj dawz bat daej coux fwn, lwgmou caeq lwgbit yawjraen le, ganjvaiq bang lwggaeq coih aenranz ndei.

Lwggaeq yawj aenranz coih ndei de, caiq yawjyawj lwgmou caeq lwgbit daengx ndang dumz liux, mbouj ndei eiqsei q ngaem gyaedj roengzdaej lo.

Lwgmou naeuz: “Daihgya doxbang dwg wnggai hane.”

Seizde, aennaj lwggaeq ndingyanyan, lumj aen makbingzgoj nding’yan nei.

(sam nienzgaep Lij Yez)

